

## საქართველოს ორგანული კანონი

„საერთო სასამართლოების შესახებ“ საქართველოს ორგანულ კანონში ცვლილების შეტანის თაობაზე  
**მუხლი 1.** „საერთო სასამართლოების შესახებ“ საქართველოს ორგანულ კანონში (საქართველოს საკანონმდებლო მაცნე, №41, 08.12.2009, მუხ. 300) შეტანილ იქნეს შემდეგი ცვლილება:

1. მე-19 მუხლის მე-6 პუნქტი ჩამოყალიბდეს შემდეგი რედაქციით:

„6. უზენაესი სასამართლოს სადისციპლინო პალატა ამ კანონის XIII<sup>1</sup> თავით დადგენილი წესით განიხილავს საჩივარს საქართველოს საერთო სასამართლოების მოსამართლეთა სადისციპლინო კოლეგიის გადაწყვეტილებაზე, ამ კანონის XIII<sup>1</sup> თავითა და „ადვოკატთა შესახებ“ საქართველოს კანონით დადგენილი წესით – საქართველოს ადვოკატთა ასოციაციის ეთიკის კომისიის გადაწყვეტილებაზე, ხოლო ამ კანონის XIII<sup>1</sup> თავითა და „მედიაციის შესახებ“ საქართველოს კანონით დადგენილი წესით – საქართველოს მედიატორთა ასოციაციის ეთიკის კომისიის გადაწყვეტილებაზე.“.

2. 75<sup>54</sup> მუხლის:

ა) სათაური ჩამოყალიბდეს შემდეგი რედაქციით:

„სადისციპლინო კოლეგიის, საქართველოს ადვოკატთა ასოციაციის ეთიკის კომისიისა და საქართველოს მედიატორთა ასოციაციის ეთიკის კომისიის გადაწყვეტილებების გასაჩივრება“;

ბ) მე-8 პუნქტი ჩამოყალიბდეს შემდეგი რედაქციით:

„8. სადისციპლინო პალატა ადვოკატის საჩივარს განიხილავს ამ მუხლით, ამ კანონის 75<sup>55</sup>–75<sup>68</sup> მუხლებითა და „ადვოკატთა შესახებ“ საქართველოს კანონის 35<sup>1</sup> მუხლით დადგენილი წესით, ხოლო მედიატორის საჩივარს – ამ მუხლით, ამ კანონის 75<sup>55</sup>–75<sup>68</sup> მუხლებითა და „მედიაციის შესახებ“ საქართველოს კანონის 15<sup>2</sup> მუხლით დადგენილი წესით.“.

**მუხლი 2.** ეს კანონი ამოქმედდეს გამოქვეყნებისთანავე.

საქართველოს პრეზიდენტი

მიხეილ ყაველაშვილი

თბილისი,

9 დეკემბერი 2025 წ.

N1160-IVმს-XIმპ

